

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

75
82
643

Ecloga

IN NATALEM
SALVATORIS NO-
STRI JESU CHRISTI

Θ Ε Α Ν Θ Ρ Ω Π Ο Υ

Concinnata

&

Nobilissimo Viro

CHRISTOPHORO
AB HOYM PARENTI SUO

carissimo in felix novi anni auspiciam
strenæ loco, & filialis observantiæ
ergò nuncupata

AB

AUGUSTO AB HOTM

J E N Æ

Typis Christophori Lippoldi,

Anno 1604.



Dedicatio

EN sol nunc iterum, pater colende,
Hinc ex Antipodum reversus antris
Arctoas placidè revisit urbes :
Fumosusq; dedit fugam december,
Ac præsens Deus hic bifrons, novusq;
Annus cum niveis adest calendis :
Ad quos à tritavis avisq; mos est
Observatus, ut hinc, & hinc amici
Ultro munera dent sibi vicissim,
Quæ gens Thusca solet vocare strenam,
Hinc me verus amor novem Dearum,
Nutrit quas Helicon biceps, coegit
Munus, care pater, tibi dedisse,
Sed non divitias, Tagi beata
Quales auriferi reportat unda :
Non æs quale viri parant Britanni,
Quæ non possideo, sed omne tale
Jam nunc fumo, Deo datore largo,
Et mittente manu parente læta,
Verum quale solent domus alumni

Ascreæ

Ascreæ Dominis dedisse magnis
Carmen, quod facili manu ministrant
Ipsis Aonides, facerq; phœbus.
Quod quamvis rude vernulumq; carmen,
Indignumq; tua serenitate:
Æqui te tamen hoc boniq; munus
Ter tres pierides & ipse phœbus
Orat consuluisse: Si cicutā
Hæc vernans tibi grata sit, futurum,
Visurus meliora sis deinceps,
Dum phæbus faveat, juventq; Musæ,
Aspiretq; meis Jesus orsis,
Cunctorum dator atq; fons bonorum,
Qui te cum genetrice, cumq; fratrum
Cœtu, jungo quibus mihi sorores
Caras, per solitum suum favorem
Immensamq; suam benignitatem
Cumæas tribuat videre messes.
Sed post fata dein suprema donet
Idem gaudia sempiterna cœli:
Quo tunc Ambrosiam sacrumq; nectar
Sumamus cupida manu per ævum.





ECLOGA

Menaclas: Daphnis

- eclogus* M. Daphni quid exultas? quid gestis? quidve triumphas?
Cur calamos inflando leves nova carmina fingis?
Carmina cum cessent, cessent mulcere volucres
Aëreos tractus cessentq; per arva coloni.
Jam non ver tepidum ridet, riget horrida bruma,
Ante focum lentus pastor prostratus in antro
Nunc tepet, atq; ovium grex inter septa tenetur
Clausus, amat taurus praesepia nocte dieq;
Jamq; lupus sevit ventos perpeffus & imbres,
Et fremit ad caulas inbians, ululatq; per agros.
- D. Luget ager, lugent, quoniam requiescit aratrum,
Agricola, casulis stertentes undiq; clausis:
Attamen explicui frontem mentemq; repostis
Compono curis, en quàm nova gaudia duri
Temporis oblitum me reddunt, imaq; summa
Pectore latitia mira dulcedine mulcent,
Quae nunc hisce meis vidi vicine Menalca.
- M. Qua bona, Daphni, refers, qua tu nova gaudia dicis?
Quaeso mihi memora, cum fors vicina juvare
Assolet haud rarò vicinos, in cipe fari.
- D. Expediam paucis, nam tadia pluribus insunt,
Gratia sed paucis, atq; ordine singula pandam:

Hæc

Hæc siquidem reticere nefas, sunt digna relatu.
M. Incipe, sed nobisne forte loquentibus obsit
Hibernum frigus, calidos cedamus ad ignes:
Hic focus igne micans fervet, tibi fercula ponam,
Quæ Galathea libens promet, tibi pocula ponam,
Pocula, lætæ fluet inter pocula sermo.
D. Montibus in nostris, saxo fundata vetusto,
Urbs est sita, suis pratis pastoribus apta;
Herbiferi colles, & florida pascua circum
Undiq; si quando frondosa repullulat, æstas.
Bethles, si nosti nomen, tenuere coloni
Isaida quondam, quo nos quoq; sæpe solemus
Pastores ovium pascentes cogere fetus.
M. Hæc urbs nota mihi sic, ut non notior usquam
Delia sit canibus nostris: nam plurimus illi
Caseus hic premitur septis quoq; victima nostris
Nunc agitur, populi cum sit conventus in urbe.
Verum perge, precor, quid gaudens urbe reportas?
D. Hic puerum vidi, quem speravere parentes
Nostrici custodem tuguri pecorisq; tenelli.
Primus ego hic vidi puerum, quem regia virgo
Edidit in lucem nostro fataliter antro.
Promissum vidi regem radice virentem,
Jesseæ, duce quo toto gens aurea mundo
Surget, quo fugiens agris immitis egestas
Cessabit, fugiens, quo ferrea desinet etas.
M. Falleris, ô pastor, talem tu primus in urbe
Hæc humili regem vidisses? Daphni quid erras
D. Fallor ego, aut poterò re certa errare Menalca?
Ipsam, crede mihi, vidi regemq; salutans



Demisso vultu pedibus pius oscula fixi.
Egregia ut facies puero, ut decus eniēt ore
Augusto, ut spirat. claros frons regia honores,
Qualis ubi oceani per fusus Lucifer unda
Extulit os sacrum lucem conspectior arce:
Sic puer ille suos fatales prodit honores.

Quamvis non pluma, sed acuta carice lectus
Constet, quo pueri sanctissima membra jacebant.

M. Quid mihi Daphni refers? sed qua tibi causa videndi
Regem? dic age te qua jam fors obtulit illi? *ecloga 1.*

D. Nox erat, & gelidas sylvas nix alta tegebat,
Compulerant Corydon pecus & Melibaeus in unum,
Ad nemus & colles Ephrata: quos ego junctos
Cum video, veniens socium me protinus addo,
Namq; erat. acre gelu, sylvis metus usq; luporum,
Et quia jam celo nox intempesta ruebat
Corpora fessa domus stratis prope septa cubantes.
Hicq; soluta jacent dum summo & frigore membra,
Fit sonus, & summo concentus in aethere vocum,
Exilit è stratis subito Melibaeus, & inde
Tertius exclamat, quis clangor in aëre? somno
Surgite nunc socii, pecus & defendite spectris.
Surgimus hic pavido spectantes aethera vultu,
Lux diffusa polo nocturnas solverat umbras,
Clarius & solito rutilo celo astra micabant,
Miramur: resonent quid jam per inania cantus.

M. Heu miror, metuog; simul, ne forte sinistri
Hoc quid, Daphni, ferat. pecori, pecorisq; magistris.
Non est, quod metuas, potius latare Menalca:
Percipe, qua strepitum tandem fors inde secuta.

Dum

Dum sumus attoniti, nimbo venit ecce corusco
E nitida caeli delabens aliger arce,
Nos nostrumq; pecus plaudens circumsonat alis:
Mox fugimus pavidi, occurrit fugientibus ille:
Quem fugitis clamans, pastores, sustite gressum.
Non ego montivagus Daemon, non corniger ille,
Qui solet invisus Faunus vos ludere Spectris.
Ore favete, metum secludite pectore, ab arce
Syderea venio, vobis ego nuncius assum
A Jove caelesti, Jove, qui defendit, & auget
Vos vestrumq; pecus, stabulis mala providus arcens,
Qui facit, ut veniant distenta lacte capella.
Omnipotens idem facit, ut sine semine mater
Edat in aethereas, ô mirum, luminis oras
Adibus in vestris puerum, sine fine futurum
Regem, qui pedibus conculcans colla Draconis
Ultor erit generis vestri olim fraude perempti.
Rex hic justus erit, regni sic fulcra futuri
Pax erit, & virtus, cumq; his conjuncta petestas.
Justitia huic solium victrix firmabit avitum:
Spernet humus rastros, spernet quoq; vinea falcem:
Fessis nunc solvet tauris jugalatus arator.
Hoc duce parta quies, praclusaq; janua lethi:
Vos fortunata sedes, vos magnus olympus
Hoc duce nunc capiet, capient consortia divum.
Ite igitur multo venienti occurrite honore-
Ite simul regem quarentes signa tenete,
Ne loca vos fallant, memores mea dicta notate:
Hujus est patria urbs, quam nostis, proxima Bethles
Aula illi caula est, durum sunt stramen & herba

Parva

Parva torus, parvum cunas praesepe ministrat.
Hac ubi dixisset, teneras dilapsus in auras
Alta petit: circum glomerantur & ilicet agmen
Aligerum juvenum, latum pæana canentes,
Solenni nitidum complebant aëra plausu.
Gloria summa DEO, qui pollet robore summo:
Ostendat blandos terris pax aurea vultus:
Gaudia percipiant homines, placeantq; JEHOVAE.
Ecce dies venit, venit, nec fixa sefellit
Spes animos cupidos: hac sunt verè aurea secla.
O mihi tàm longa maneat pars ultima vita,
Qua puerum patria videam virtute superbum
Hostibus è victis fatalem ferre triumphum.
Dic, age, sed contra quid vos? quid deinde secutum?
In stabulis ecquid vobis puer ille repertus?
Dicta secuta fuit res, eventusq; probavit.
Vidimus hic puerum brumali frigore adustum,
Caula domus stabat, congestum cespite culmen,
Vimine contextus paries; casa per via vento,
Ad praesepe, recentis ubi cunabula regis,
Cum bove cornigero gramen carpebat, asellus.
Nec mora, continuo cupidi prosternimur omnes
Ante pedes pueri, votis felicibus uno
Ore salutantes regem, veniamq; precantes.
Inde senem juxta matrem, quem stare videmus,
Alloquimur placidis verbis, atq; ordine cuncta
Pandimus, apparens qua dixerat Angelus arvo.
Ille refert contra, qua sors sibi juxerit illam
Sponsam, qua pariens esset sine semine mater.
Adiicit his, quondam qua dixerit Angelus idem

Vir

Virgine stans coram, superum demissus ab arce :
 Mentibus afflictò cupidis mox affore tempus
 Quo pareret nunquam tactu temerata virili
 Imprægnata DEO : rueret quo de super alvum
 Virginis illabens castam Jovis aureus imber :
 Quoq; DEUS lustrans humiles sub imagine terras
 Humana gereret pueri os, habitumq; tenelli,
 Quoq; rediret ovans gens primi à labe parentis
 Libera, quoq; iret surgens in pristina mundus.
 Nos his auditis, puero cum matre relicto,
 Imus, & his gravibus gestis benè rebus ovantes
 Pergimus, atq; hilares opera ad consueta redimus.
 Hinc est, quod solito veniam nunc latior agris :
 Hinc est, quod letus, quamvis tristissimus annus
 Currat, lata canam modulamine carmina lato,
 Carmina quæ puero nascenti fingo, Menalca.
 M. Ergò nostra salus, lux & gratissima gentis
 Nostra cum veniat, divino alterna canamus
 Hic puero faciles : aderit puer ipse vocatus
 D. Incipe tu major : me æquum parere Menalca.
 M. Pastorum Musa paulo majora canamus,
 Si canimus sylvas, sylvæ sunt carmine dignæ ;
 Nos jam non virgulta juvant, humilesq; myrica
 D. Ecce DEUS, DEUS ecce venit : sub imagine carnis
 Lustrat agros : illi pastores pascite taurum :
 Hic nostri tuguri custos, pecorisq; tenelli.
 M. Jam veteri exacto, calo novus ingruit annus
 Jamq; Sionæi venit nova carminis ætas,
 Jam peperit virgo, redeunt jam pristina regna.
 D. Huc ades ô formosè puer : quam fecimus aram,

B Dum

eccl. 1. 5
 eccl. 1. 4
 eccl. 1. 4
 ind. 1. 1

Dum mihi fila trahunt Parca, tener imbuet agnus:
Hac genialis hyems solvet tibi vota quovannis

M. Tu modo virginei flos intemerate pudoris
Casta Maria fove natum: nam colla Draconis
Calcet, si firmata virum illum fecerit atas

D. Mirabar quid mesta DEUM gens nostra vocaret,
Hinc aberat, puer hic: ipsi te, parvule, fontes
Ipsa te quercus, ipsa hac arbusta vocabant.

M. Cum reget hic patriis totum virtutibus orbem,
Pacatum, incipient gentes succedere calo:
Incipient populi superas evadere ad auras.

D. Namq; tibi libuit nobiscum sordida rura,
Et spretas habitare casas, & figere cervos.
Lanigerumq; pecus viridi compellere Campo.

M. Ipse DEUM vitam accipiam, divisq; videbo
Permistos Heroas, & ipse videbor ab illis,
Candidus insuetum mirabor limen olympi.

D. Nec lupo insidias pecori meditatur iniquas,
Retia nec cervis: amat otia noster amandus
Hic puer: en sylvas tenet, en quoq; rura voluptas.


M. Christe DEI soboles, magnum patris incrementum,
4) Aspice convexum nutanti pondere caelum,
Aspice, supremam velut optent omnia lucem.

D. Sis bonus, o felixq; tuis: dum rore cicada
Gaudet, apisq; thymo, cytiso lasciva capella,
Tempus in omne tuum nomen laudesq; manebunt.

M. Fac, insueta graves ne tentent pabula fetas,
Ne cupidos praedae metuant armenta leones.
Unum, fac, sit ovile tuum, qui pastor es unus.
Sunt haec vota DEO gratissima: munere dignus

Regius

Regius est tali puer hic: sed me evocat inde,
Et jubet ire domum vesper, caeloq; ruens nox,
Balantumq; greges mea cura: valeto Menalca.
Cum jam sacra DEO faciam, cum debita solvam,
Vota meo natali, aderis cum conjugē Nisa:
Grata fuere mihi tua fercula: amice valeto.



ΑΝΑΚΕΦΑΛΑΙ

ωλικόν τῶν ῥηθέντων.

Ἀγνή παρθενική καὶ μήποτε ἀνδρὶ μιγείτω
Ἀθανάτῃ θυγατρὶ υἱὸν ἔθηκε θεῶ.
Ταῦτα, Φυλασσόντων τὴν πόμην νυκτὶ νομῶν,
Ἰμνεῖ δ' ἔρῳι ὁ χάσματα θεῶα χορῶ.
Οἱ δὲ βροτοὶ χαλεπῶς μυσήματα τόσσα νοῶσι,
Ὅτι ἀνδρὶ θεῶ θυμὸς ἄπιστος αἰεὶ
Ὡσε νομῆες ἔβαν φιλόπυσοι εἰς ἄγλαον ἄστυ
Κείμενον ἐν φάτνῃ καὶ βρέφ' εὖρον ἐκεῖ.
Καὶ καλαπίπλοισι ταχέως εἰς γαῖαν, ἕκαστοι
Ευχόμενοι βασιλεῖ δῶρα δίδουσι νέω
Δεῦτ' ἐν σιτοφάγοι καὶ χαίρειε: πᾶσι φαάνθη
Ἀνθρώποισι θεῶ παγγενέτοιο χάρις.
Δεῦτε καὶ ἐννέπετ' ὄρσιν ἐφ' ἑσθ' υἱὸν ἸΗΣΟΥΝ,
Ἀτρεκέως ὅτι νῦν σὰρξ ἐτέλει λόγος.

F I N I S.

Faint, illegible text, possibly bleed-through from the reverse side of the page. The text is arranged in several lines within a rectangular border.



№ 1996

8

U

ULB Halle 3
 002 063 808



Sh


nicht aufg., da unvollst. u.
nicht zu ermitteln!

28 a / 50 / 1996 /

U 8 17

M

DX



E M
 S NO.
 ISTI
 T
 ORO
 TI SUO
 auspicium
 vantiaë
 O R M
 poldi,

78
 82
 043

